

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ
ԸՆԴՀԱՆՈՒՐ ԺՈՂՈՎԸ

Հունվարի 21-ից 26-ը տեղի ունեցավ հանրապետության գիտությունների ակադեմիայի ընդհանուր ժողովը: Այն ներածական խորհուրդացեց Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը:

Առաջին նիստում, որին մասնակցում էին հանրապետության գիտական հաստատությունների ներկայացուցիչները, Հայկական ՍՍՀ գիտությունների ակադեմիայի գործունեությունը ՍՄԿԿ Կենտկոմի 1981 թ. պլենումի որոշումների լույսի ներքո ղեկուցումով հանդես եկավ հանրապետության գիտությունների ակադեմիայի փոխպրեզիդենտ Ա. Ղ. Իոսիֆյանը: Նա նշեց, որ հանրապետության գիտնականները պետք է լուծեն էլեկտրականների գեներատորային հրդորության հետագա մեծացման դժվարին հարցը, պետք է շարունակեն զարգացնել ձեռքբերումները արեգակի էներգիայի օգտագործման ուղղությամբ: Նա խոսեց նաև մետաղամշակության, մեքենաշինության, մեխտրոնիկայի և ջրամատակարարման, ագրոտեխնիկայի և ալլ բնագավառներում առկա կարևորագույն խնդիրների լուծման գործում հանրապետության գիտնականների ձեռք բերած հաջողությունների մասին, նշեց առաջիկա ժրագրերը: Քննության առնելով տեխնիկական առաջադիմության հարցերը, ղեկուցողը այնուհետև կանգ առավ ֆունդամենտալ բնական և հասարակական գիտությունների ավելի արագ զարգացման խնդիրների վրա:

Քննարկված հարցերի շուրջը ելույթ ունեցան Հայկական ՍՍՀ գիտությունների ակադեմիայի ակադեմիկոսներ Մ. Վ. Կասյանը, Վ. Հ. Աղաբաբյանը, Մ. Գ. Մանվելյանը:

Տեղի ունեցան Հայկական ՍՍՀ գիտությունների ակադեմիայի իսկական անդամների և թղթակից անդամների ընտրություններ:

Ակադեմիայի իսկական անդամներ (ակադեմիկոսներ) ընտրվեցին Գ. Ս. Սահակյանը և Մ. Լ. Տեր-Միքայելյանը (ֆիզիկա, աստղաֆիզիկա), Հ. Տ. Աղոնցը (էներգետիկական համակարգեր), Ա. Մ. Պետրոսյանցը (ատոմային էներգետիկա), Ս. Գ. Մացոյանը (օրգանական քիմիա), Ա. Հ. Գաբրիելյանը (երկրաբանություն), Վ. Բ. Ֆանարջյանը (մարդու և կենդանիների ֆիզիոլոգիա), Է. Գ. Աֆրիկյանը (միկրոբիոլոգիա), Գ. Ա. Գալոյանը (նոր և նորագույն պատմություն), Է. Բ. Աղաբաբյանը (լեզվաբանություն), Գ. Ա. Բրուտյանը (փիլիսոփայություն), Է. Մ. Զրբաշյանը (դրականություն և գրականագիտություն):

Ակադեմիայի թղթակից անդամներ ընտրվեցին Ռ. Վ. Համբարձումյանը (մաթեմատիկա), Ս. Հ. Մատինյանը, Վ. Հ. Զրբաշյանը, Գ. Մ. Սեդրակյանը (ֆիզիկա, աստղաֆիզիկա), Պ. Մ. Հերոնին (ռադիոտեխնիկական համակարգեր), Ռ. Վ. Աթոյանը (հաշվողական տեխնիկա), Գ. Լ. Արեշյանը (էլեկտրական մեքենաներ և ավտոմատիկա), Կ. Վ. Ալեքսանդրյանը (մեքենաշինություն, մեքենագիտություն), Ի. Լ. Ներսեսովը (սեյսմոլոգիա, գեոֆիզիկա, գեոքիմիա), Վ. Ե. Խոջաբեկյանը (էկոնոմիկա), Ս. Հ. Մոսկովսկյանը (կենդանաբանություն), Գ. Հ. Բաղալյանը (բժշկություն), Ս. Ս. Արևշատյանը (աղբյուրագիտություն), Գ. Ս. Խանջյանը (արվեստագիտություն):

Մ. ԱԼԵԿՍԱՆԴՐԱՆ